



UNIVERSITÄTS-
BIBLIOTHEK
PADERBORN

Universitätsbibliothek Paderborn

Triapostolatvs Septemtrionis

Caesar, Philipp

Coloniæ Agrippinæ, 1642

16. Epistola S. Rimberti ad quasda[m] virgines Moniales.

urn:nbn:de:hbz:466:1-43650

CAPVT XVI.

*Epistola S. Rimberti ad quasdam virgines
Moniales.*

C^Ariissimæ Filiae cæterisque virginibus & sponsis Christi Rimbertus, gregis Dei vilis Seruulus in Domino salutem. Frater Adalgaricus nuper à vobis rediens, dixit mihi, grauiter vos ferre, quod paruitatis meæ literas raro suscipiatis. Quod modò mihi emendare cupienti, quid scribere debeam, nihil conuenientius occurrit, quam ut vos de vestræ Sanctitatis commoneam proposito. Si igitur ad sublimissimam gloriam vultis peruenire, omni virtute incorruptionem corporis ac spiritus excolere debetis. Inte*Incorruptionem*
tio corporis
& spiritus.
rioris enim fotū ac pabulo puritatis, submisstrati necesse est etiam exterioris hominis castitatem, eamque iugiter ad perseuerantiam perpetuæ incorruptionis animari. Illæ namque sunt veræ atque incorruptæ virgines Christi, non quæ metuunt, sed quibus non libet fornicari. Quod donum, si per Dei gratiam adeptas vos senseritis, quanto magnæ estis, ut sacra monet Scriptura, humiliate vos in omnibus, & coram Deo inuenietis gratiam. Èa enim viâ peruenire debetis ad Christum Dominum & sponsum vestrum, quia ipse dixit: Discite à me quia mitis sum & humili corde. Curandum itaque est, ut omni custodiâ mens seruetur à superbiæ tu-

K 5

Moniales
à superbia
cavere de-
more.

more. Non enim antè oculos Dei vacuę transvolant cogitationes vestræ: intus ergo videt Deus quod mentem eleuat, & idcirco foris permittit inualescere quod deponat. Hinc quippe per Olee contra Israëlitas dicitur: Spiritus fornicationis in medio eorum, & Dominum non cognoverunt. Qui vt ostenderet, sicut dicit Beatus Gregorius, quòd causa libidinis ex culpâ prorumpat elationis, mox subdidit dicens: Et respondebit arrogantia Israël in faciem eius, ac si diceret: Culpa quæ per elationem mentis in occulto latuit, per carnis luxuriam in aperto respondebit. Proinde per humilitatis custodiam seruanda est munditia castitatis. Si enim spiritus sub Deo premitur, caro illucitè super spiritum non leuatur. Habet quippe spiritus commissum sibi dominum carnis, si tamen sub Domino recognoscit iura legitimæ seruitutis. Nam si auctorem suum superbiendo contemnit iure & à subiecta carne prælum suscipit. Hinc est enim quòd longa continetia repente soluitur, hinc quòd plerumque & usque ad senium virginitas seruata vitiatur. Quia enim negligitur humilitas cordis, reetus iudex respicit etiam integratatem corporis. Et quandoque per apertum malum reprobos annunciat, quos dudum reprobos in occulto tolerabat. Nam qui diu seruatum bonum subito perdidit, apud semetipsum intus aliud malum tenuit, ex quo aliud subito

bito erupit. Ac per hoc omnipotenti Deo etiam tunc alienus extitit, quando se ei per munditiam corporis inhærere monstrauit. Hæc ergo, Filiæ, non ideo scribo, quod in vobis quicquam de qualitate superbie vel vanæ gloriæ cognouerim, sed quia vos opto in illarum consortio esse, de quibus legitur: Quoniam sequuntur Agnum quocunque ierit. Vbi multos cecidisse doleo, vos cautè ambulare desidero, optoque ut dicat vobis Dominus & sponsus vester: Tota pulcra es amica mea, & macula non est in te. Itaque sequimini hic Agnum in præceptis suis, ut ipso auxiliante illum sequi valeatis in æterna vita, cantando canticum, quod nemo potest dicere nisi chorus virgineus. Hæc pulcrè Beatus Augustinus virgines ammonendo exposuit: Pergite, inquit, Sancti Dei, pueri & pueræ, mares ac fœminæ, celibes & innuptæ, pergitte perseveranter in finem. Laudate Dominum dulcius, quem cogitastis uberiorius: sperate felicius, cui seruitis instantius: amate ardentius, cui placetis attentiùs. Lumbis accinctis & lucernis ardentibus expectate Dominum, quando veniat à nuptijs. Vos affretis ad Agni nuptias canticum nouum, quod cantabitis in citharis vestris, utique tale quale nemo poterit dicere nisi vos. Sic enim vos vedit in Apocalypsi quidam præ cæteris dilectus Agno, qui discubere super pectus eius solitus erat. Ipse vos vedit duodecies duodenaria mil-

dena millia Sanctorum citharædorum illibatae virginitatis in corpore, iniuiolatae veritatis in corde. Sequimini Agnum, quia & Agni caro utique virgo. Sequimini eum virginitate cordis & carnis, quoconque ierit. Quid est eum sequi, nisi imitari? de quo Beatus Petrus: Christus, inquit, Iesus passus est pro vobis, vobis relinquens exemplum, ut sequamini vestigia eius. Hanc Epistolam ideo hic posuimus, ut legentibus appareat, quantum, si. cut ammonet Apostolus, studium habuerit eius quæ secundum pietatem est doctrinæ, & quam potens fuerit in ipsa doctrina etiam alios exhortari,

CAP V T XVII.

Quomodo Legationi suæ ad Gentes & ipse & per suos satisfecerit.

PRÆTEREA Legationis suæ officium, quod ad prædicandum Gentibus Verbum Dei primitus à decessore suo susceptum est, & postmodum sibi successionis iure quasi hereditarium prouenit, impigne exsecutus est, ipse quidem per se quoties occupationes aliæ finerent, eidem Legationi insistens, semper autem constitutos habens Presbyteros, per quos & verbum Dei Gentiles audirent, & solarium captiui Christiani haberent, ad Ecclesias inter ipsos paganos constitutas longè ab Ecclesia Sedis suæ, quodque grauissimum erat marinis descriminibus adeundas.

Quæ